

四庫全書

集部

欽定四庫全書

集部

文苑英華卷二百九十五至七

詳校官太僕寺少卿_臣李廷欽

助教_臣常循覆勘

總校官進士_臣朱鈐

校對官中書_臣高 中

謄錄監生_臣官懋珩

欽定四庫全書

文苑英華卷一百九十五

宋 李昉等 編

樂府四

結客少年場八首
行行且遊獵二首

門有車馬客四首
對酒二十一首

前有一樽酒三首
將進酒三首

勸酒六首
飲酒樂一首

結客少年場行
劉孝威

少年本六郡遨遊遍五都插腰銅匕首障日錦屠蘇鷲

一作鷲

羽裝銀鎬犀膠飾象弧近發連雙兔高彎落九烏

邊城多警急節使

一作度

滿郊衢居延箭箠盡踈勒井泉

枯正蒙都護接何由憚險途千金募惡少一麾擒骨都

勇餘聊踴蹴戰罷暫

一作戲

投壺昔為北方

一作邊

將今成

一作為

南面孤邦君行負弩縣令且前驅

同前

吳均

結客少年歸翩翩駿馬肥報恩殺胡人

一作人

竟賢君賜錦

衣握蘭登建禮拖玉入含暉顧者草玄者功名終自微

同前

庾信

結客少年場春風路滿香歌撩一作嫌李都尉果擲潘河

陽隅一作折花遙勸酒就水更一作便移床今年喜夫婿新

拜羽林郎定知劉碧玉偷嫁汝南王

同前

孔紹安

結客佩吳鉤橫行度隴頭鴈在弓前落雲從陣後浮吳

師驚燧象燕一作火將警奔牛轉蓬飛不息水河結未流

若使三邊定當封萬里侯

同前

虞世南

韓魏多奇節個儻遺名利共矜然諾情一作心各負縱橫

意

一作志

結交

一作友

一言重相期千里至綠沉明月弦金

絡浮雲轡吹簫入吳市擊筑遊燕肆尋源博望侯結客

遠相求少年懷一顧長驅背隴頭皸皸霜戈動耿耿虹

劍

一作劍虹

浮風

一作雲

起龍沙暗木落鴈門秋天山冬夏雪

交河南北流輕生殉一作狗知己非是為身謀

同前

盧照隣

長安重遊俠雒陽富才

一作財

雄玉劍浮雲騎金鞭

一作鞍

明月弓鬪雞過渭北走馬向關東孫賓

乃趙妓事一作賸非

遙見

待

一作侍

郭解暗相通不受千金爵誰論萬里功將軍下

天上虜騎入雲中烽火夜似月兵氣曉成虹橫行狗知

已負羽遠從

一作征

戎龍旌昏朔霧鳥障卷胡風追奔瀚

海咽戰罷陰山空歸來謝天子何如馬上翁

同前

盧一作虞羽客

幽并俠少年金絡控連錢竊符方救趙擊筑正懷燕輕

生辭鳳闕揮袂上祁連陸離橫寶劍出沒驚一作徂旃

蒙輪恒顧敵超乘一作忽一作爭先摧枯逾百戰拓地遠三

千骨都魂已散樓蘭首復傳龍城含苦一作宿霧瀚海

接一作隔一作遙天歌吹金微返振旅玉門旋烽火今已息非

復照甘泉

同前

李白

紫騮黃金瞳稜稜搖綠駿一作髮一作平明相馳逐結客洛門

東少年學劍術陵轢白猿公珠袍曳錦帶匕首插吳鴻

由來萬夫勇挾此生

一作英

雄風託交從劇孟買醉入新

豐笑盡一杯酒殺人都市中羞道易水寒徒

一作從

今日

貫虹燕丹事不立虛沒秦帝宮舞陽死灰人安可與成

功

行行且遊獵篇

一作遊行且獵篇

劉孝威

之杲講射所上林娛獵場選徒驕楚客詔狩誇胡王罕
車已戒道風鳥復啓行飲飛具矰繳材官命蹶張高置

掩月兔勁矢射天狼蹠地不遑免

一作逸

排虛豈反翔日

暮鈎陳轉風清鏡吹颺歸來宴平樂寧肯滯禽荒

同前

孟雲卿

少年多武力勇氣冠幽州何以縱心賞馬蹄春草頭遲
遲平原上狐兔奔林丘猛虎忽前遊俊鷹連下講俯身
逐南北輕捷固難儔所發無不中失之如我讐豈唯務
馳騁猗爾暮田疇殘殺無不痛古來良有由

門有車馬客

何遜

門有車馬客言是故鄉來故鄉有書信縱橫印檢開
書看未極行客屢相識借問故鄉來潺湲淚不息上言
離別久下言望應歸寸心將夜鵲相逐向南飛

同前

張正見

飛觀霞光起重門戒早

一作平旦

開北闕高輶至

一作箱過

東方

一作連

騎來紅塵揚翠轂赭汗染龍媒捎鞭聊靜電接

眼漸

一作軫暫

停雷桃花扶岸

一作夾院又作夾徑

聚流水傍池迴非

關萬里客自是

一作有

六竒才琴和朝暉

一作雉

操酒泛夜

光杯舞袖飄金谷歌聲繞鳳臺良時不再遇一作再騶御
鬱相催安知太行道失路車輪摧

同前

虞世南

財雄一作陳遵重交結戚里一作田蚡擅豪華曲臺臨上路高軒

門一作抵狹斜赭汗千金一作里馬繡軸一作轂五香車白鶴

隨飛蓋朱鷺入鳴笳夏蓮開劔水春桃發綬花高談辨

飛兔摘藻掘靈虵一作輕裙染回雲浮蟻泛流霞逢恩出毛羽一作借羽翼

失路委泥沙曖曖風煙晚路長歸騎遠日斜青瑣第塵

飛金谷苑危絃促柱奏巴渝遺簪墮珥解羅襦如何守
直道翻使谷名愚

同前

李白

門有車馬賓

一作客

金鞍耀朱輪謂從雲

一作丹

霄落乃是

故鄉親呼兒掃中堂坐客論悲辛對酒兩不飲停觴淚
盈巾歎我萬里遊飄飄三十春空談霸王畧紫綬不掛
身雄劍藏玉匣陰符生素塵廓落無所合流離湘水濱
借問宗黨間多為泉下人生苦百戰役死托萬鬼隣北

風揚胡沙霾

一作埋

翳周與秦大運且如此蒼穹寧匪仁

惻愴憶

一作竟

何道存亡任天均

一作大鈞

對酒

范雲

對酒心自足故人來共持方悅羅衿解誰念髮成絲狗
性良為遠求名本自欺逮君當歌日及我傾樽時

同前

張正見

當歌對玉酒匡坐酌金壘竹葉三清泛葡萄百味開風
移蘭氣入月逐桂香來獨有劉將阮忘情寄羽盃

同前

岑敬之

色映臨池竹香浮滿砌蘭舒文泛玉盃
淥蟻溢金盤簫曲隨鸞易笳聲出塞難
唯有將軍酒川上可除寒

同前

張率

對酒誠可樂此酒復芳醇如華良可賞一作似乳更堪

一作玼何當留上客為寄掌一作壽屬中人金罇清復滿玉

盤一作盃亟來親誰能共遲暮對酒及一作惜芳辰君歌尚

未罷却坐避梁塵

對酒歌

范榮

樂府作
庾信

春水望桃花春洲籍芳杜琴隨

一作從

綠珠借酒就文君

取牽牛

一作馬

向渭橋日曝山頭晡山簡接離倒王戎如

意舞箏鳴金谷園笛韻平陽塢人生一百年歡笑唯三

五何處覓錢刀求為洛陽賈

音古

對酒 春園作

庾信

數盃還已醉春風

一作風雲

不復知唯有龍吟笛桓伊能獨

吹

同前 春園作

王勃

投簪下山閣，携酒對河梁。
狹水牽長鏡，高花送斷香。
繁鶯歌似曲，踈蝶舞成行。
自然催一醉，非但閱年光。

同前 巴陵作

張說

留侯封萬戶，園令壽千金。
本為成王業，初由賦上林。
繁

華一作榮安足恃，霜露遞相尋。
鳥哭楚山外，猿啼湘水陰。

夢中城闕近，天畔海雲深。
空對忘憂酌，一作酒離憂不去

心

同前

崔國輔

行行日將夕荒村古塚無人跡
蒙籠荆棘一鳥飛屢唱

提壺沽酒喫古人不達酒不足遺恨精靈成

一作傳

此曲

寄言世上

一作當代

諸少年平生須盡杯中綠

同前

一作月下獨酌

李白

花前

一作月下

一壺酒獨酌無相親
舉杯邀明月對影成三

人月既不解飲影徒隨
我身暫伴月將影行樂須及春

我歌月徘徊我舞影凌亂
醒時同交歡醉後各分散
永

結無情遊相期邈雲漢

一作碧
崑崙

此詩一百五十二卷重出今已削去注異同為一

作

二

一作月
夜獨酌

天若不愛酒酒星不在天地若不愛酒地應無酒

一作
醴

泉天地既愛酒愛酒不愧天已聞清比聖復道濁如賢
聖賢既已飲何必求神仙三盃通大道一斗合自然但
得醉中趣勿為醒者傳

三 此詩見二百七十卷

對酒示申屠學士

戴叔倫

三重江水萬重山山裏青春度日閒且向白雲求一醉
莫教愁夢到鄉關

湘中對酒行

張謂

夜坐不厭湖上月晝遊不厭湖上山眼前一罇又長滿
心中萬事如等閒主人有黍數百石濁醪數斗應不惜
即今相逢不盡歡別後相思復何益茱萸灣頭歸路賒

願公且宿黃公家風光若此人不醉參差孤負東園花

對酒曲

賈至

春來酒味濃舉酒對春叢一酌千憂散三盃萬事空
放歌乘美景醉舞向春風寄語樽前客生涯任轉蓬

二

梅發柳依依黃鸝歷亂飛當歌憐景色對酒惜芳菲
曲水浮花氣流風散舞衣通宵留暮雨上客莫言歸

對酒

王建

為病比來渾斷絕

因緣一作

花不免却知聞從來樂一作事

事關身少坐領春風只在君

秋日對酒

武元衡

行年過始哀秋至獨先悲事往悖神魄感深滋涕洟百

憂紛在慮一醉兀無思寶琴拂塵匣清韻音作凝朱絲幽

圃蕙蘭氣煙窻松桂姿我乏濟時畧仗節撫坤維山川

大兵後牢落空城池驚沙猶振野綠草生荒陂物變風

雨順人懷天地慈春耕俟一作事

秋戰戎馬去封陞波瀾

暗超忽微雨亦磷緇客有自嵩潁重徵棲隱期丹訣學
仙晚白雲歸谷遲君恩不可報霜露繞南枝

對酒

白居易

莫上青雲去青雲足愛憎自賢誇智慧相軋鬪功能魚
爛緣吞餌蛾焦為撲燈不如飲美酒任性醉騰騰

同前

曹鄴

愛酒知是癖難與性相捨未必獨醒人便是不飲者晚
歲無此物何由住田野

錢塘對酒曲

陳陶

風天鴈悲西陵愁使君紅旗弄濤頭東海神魚騎未得
江天大笑閒悠悠嵯峨吳山莫誇碧河陽經年一宵白
南州彩鳳為君生古獄愁蛇待恩澤三清羽童來何遲
十二玉樓蝴蝶飛炎荒翡翠九門去遼東白鶴舞歸期
一作鴟夷公子休悲悄六鰲如鏡天始老樽前事去月
團圓琥珀無情憶蘇小

前有一罇酒雜言

張正見

前有一罇酒主人欲行壽今日合來坐者當令皆富且
壽欲令主人三萬歲終歲不知老為吏當高遷賈市得
萬倍桑蠶當大得主人宜子孫

前有罇酒行二首

李白

東

一作春

風東

一作忽非

來忽相過金罇綠酒生微波落花紛紛

稍覺多美人欲醉朱顏醜青軒桃李有

一作能

幾何流光

欺人忽蹉跎君起舞日西

一作將

夕當年意氣不肯惜

一作

傾白髮如絲竟

一作白首垂絲嘆

何益

二

琴奏龍門之綠桐玉壺美酒清若空催絃拂柱與君飲
眼白看杯顏色紅一作看朱成碧顏始紅胡姬貌如花當爐笑春
風笑春風舞羅衣君今不醉欲安歸

將進酒

梁昭明太子

洛陽輕薄子長安遊俠兒宜城溢璆椀中山浮羽卮

同前一作惜空酒

李白

君不見黃河之水天上來奔流到海不復迴君不見高

堂明鏡悲白髮朝如青雲一作絲暮成雪人生得意須盡

歡莫使金樽空對月天生我材必有用一作我身必有材千金

散盡還復來烹羊宰牛且為樂會須一飲三百盃岑夫

子丹丘生將進酒杯一作君莫停與君歌一曲請君為我

傾耳聽鐘鼎玉帛豈足貴一作鐘鼓饌玉不足貴但願長醉不復

一作醒古來賢聖皆死盡一作聖賢皆寂寥惟有飲者留其名

陳王昔日一作時宴平樂斗酒十千恣歡謔主人何用一作

為言少錢徑須沽酒一作取對君酌五花馬千金裘呼兒

將出換美酒與爾同銷萬古愁

此詩三百三十六卷重出今已削去

同前

陳陶

金樽莫倚青春健齷齪浮生如走電琴瑟盤傾從世珠
黃泥局瀉流年箭麻姑爪秃瞳子昏東皇肉角生魚鱗
靈鰲柱骨半枯朽驪龍德悔二字疑愁耕人周孔著龜久

淪沒黃嵩疑誰認賢愚骨兔苑詞才去不還蘭亭水石

空明月姮

一作巫

娥弄簫香雨收江濱迸瑟魚龍愁靈芝

九折楚蓮醉翺風一歎梁庭秋

一作塵愁

醜亞蠻觥奉君壽

玉山三獻春紅透銀鳴金鵝言待誰隋家嶽瀆皇家有

珊瑚座上凌香雲鳳肪龍炙猩猩脣芝蘭此日不傾倒

南山白石皆賢人文康調笑麒麟起一曲飛龍壽天地

山人勸酒

李白

蒼蒼雲松落落綺皓春風爾來為阿誰蝴蝶忽然滿芳

草秀眉霜雪顏桃李

一作桃李貌

骨清髓綠

一作青髓綠髮

長美好

稱是秦時避世人勸酒相歡不知老各守麋鹿志耻隨

龍虎爭歛起安太子漢皇乃復驚顧謂戚夫人彼翁羽
翼成歸來商山下汎若雲無情舉觴酌巢由洗耳何太
獨一作清浩歌望嵩嶽意氣遙相傾

相勸酒

李賀

羲和騁六轡晝夜

一作夕

不曾閒彈烏崦岷石扶馬蟠桃

鞭箠收既斷翠柳青帝更

一作又

造紅蘭堯舜至今萬萬

歲數子將為傾蓋間青錢白璧買無端丈夫快志

一作意

方為歡臞螭臞熊何足言會須鍾飲北海箕踞南山歌

淫淫管愔愔橫波好送別一作雕題金人生得意且如此

何用強知元化心相勸酒終無醉伏願陛下鴻名絲一作

終不歇子孫綿如石上葛東一作洛一無長安車駟駟

中有梁冀舊宅石崇故園

勸酒

李敬方

不向花前醉花應解笑人只憂連夜雨又過一年春日
日無窮事區區有限身若非盃酒裏何以寄天真

同前

聶夷中

白日無定影清江無定波人無百年壽百年復如何堂
上陳美酒堂下列笙歌與君入醉鄉醉鄉樂天和歲歲
松栢茂日日丘陵多君看終南山萬古青峩峩

二

灞上送行客聽唱行客歌適來橋下水已作渭川波人
間榮樂少四海別離多但恐別離淚自成苦水河勸爾
一杯酒所贈無餘多

飲酒樂

前人

日月似有事一夜行一周草木猶湏老人生得無愁一
愁解百結再飲破百憂白髮欺貧賤不入醉人頭我願
西江集作東海水盡向杯中流安得阮步兵同入醉鄉遊

文苑英華卷一百九十五

欽定四庫全書

文苑英華卷一百九十六

宋 李昉等 編

樂府五

俠客行六首

西遊咸陽中一首

俠客控絕影一首

劉生九首

燕客行八首

鴈門太守歌四首

將軍行一首

戰城南十首

塞上曲三首

俠客行

王筠

俠客趨名利，劍氣坐相矜。
黃金塗鞞尾，白玉飾鈎膺。
晨馳逸廣陌，日暮還平陵。
舉鞭向趙李，與君方代興。

同前

王褒

京洛出名謳，豪俠競交遊。
河南期一作朝四姓，關西謁五侯。
鬪雞橫大道，走馬出長秋。
桑陰徒一作徒將夕，槐路轉

淹留

同前

庾信

俠客重連鑣金鞍被桂條細塵障路起驚花亂眼飄酒
醺人半醉汗濕馬全驕歸鞍畏日晚爭路上河橋

同前

陳良

洛陽春色麗遊俠騁輕肥水逐車輪轉塵隨馬足飛雲
影遙臨蓋花氣近薰衣東郊鬪鷄罷南坡射雉歸日暮
河橋上揚鞭惜晚暉

同前

李白

趙客縵胡纓吳鉤霜月明銀鞍照白馬颯沓如流星十

步殺一人千里不留行事了拂衣去深藏身與名閒過
信陵飲脫劍膝邊橫將炙啖朱亥持觴勸侯嬴三盃吐
然諾五岳倒為輕眼花耳熱後意氣素霓生救趙揮金
鎗邯鄲先震驚千秋二壯士烜赫大梁城縱死俠骨香
不慙世上英誰能書閣下白首太玄經

同前

崔國輔

玉劍膝前橫金杯馬上傾朝遊茂陵道夜宿鳳凰城一作
亭豪俠多猜忌無勞問姓名

西遊咸陽中

陰鏗

上林春色滿咸陽
遊俠多城斗疑連
漢橋星像跨河影
裏著飛轂塵前聽
遠珂還家何意晚
無處不經過

俠客控絕影

楊縉

青門小苑物華新
花開鳥咲會芳春
仙掌層臺浮麗日
長楸橫路起紅塵
園中追尋桃李逕
陌上逢迎遊俠人
遊俠英名馳上國
人馬意氣兩俱得
白玉轆轤秋水劍
青絲宛轉黃金勒
復有魚目並龍文
躡景追風本絕羣

影入吳門疑曳練形來西北似浮雲寄語幽并馳射客
未肯推名持借君

劉生

梁元帝

任俠有劉生然諾重西京扶風好驚坐長安恒借名菊
花連夜飲竹葉解朝醒結交李都尉遨遊佳麗城

同前

張正見

劉生絕名價豪俠恣遊陪金門四姓聚簫鼓

一作
綉鼓

五香

集作
五侯

來塵飛瑪瑙勒酒映車渠孟別有追遊

集作
隨

夜愁

惚向月開

同前

柳莊

四坐驚稱字

一作坐驚
稱字孟

英雄道姓劉廣陌通朱印大路

起青樓要賢驛已置留客轄仍投光斜日下霧庭陰月

上鈎

同前

江暉

五陵多美選六郡盡良家劉生代豪蕩標矩一作舉獨榮

華寶劍長三尺金樽滿百花唯當重意氣何處有驕奢

同前

徐陵

劉生殊倜儻任俠遍京華
戚里驚鳴筑平陽吹怨笳
俗儒排石氏新室是誰家
高才被擯壓自古共憐嗟

同前

江總

劉生負意氣長嘯共徘徊
高論明秋水命賞陟春臺
干戈倜儻用筆硯縱橫才
置驛無年限流俠四方來

同前

弘執恭

英名振關右雄氣逸江東
遊俠五都內來去三秦中
劔

照七星影馬控千金
驄縱橫方未息因茲定立一作武功

同前

楊炯

鄉家本六郡年長入三秦
白壁酬知己黃金謝主人
劔鋒生赤電馬足起紅塵
日暮歌鐘發喧喧動四隣

同前

盧照隣

劉生氣不平抱劔欲專征
報恩為豪俠死難在橫行
翠羽裝劔鞘黃金飾馬鈴
但令一顧重不忝百身輕

燕歌行

梁元帝

燕趙佳人本自多遼東少婦學春歌黃龍戍北花如錦
玄菟城中月似娥如何此時別夫婿金羈翠眊往交河
還聞入漢去燕營怨妾心中一作愁心百恨生漫漫悠悠天

未曉遥遥夜夜聽嚴一作寒更自從異縣心同別偏恨同

時成異節橫波滿臉萬行啼翠眉漸一作暫斂千重結並

海連天合不開那宜一作堪春日上春臺唯見遠舟如落

葉復看遥舸似行盃沙汀夜鶴嘯羈雌妾心無怨生別

離翻嗟漢使音塵斷空傷賤妾燕南垂

同前

蕭子顯

風光遲暮出青蘋
蘭條翠鳥發春鳴
洛陽梨花白如雪
河邊細草青如茵
桐生井底葉交枝
今看無端雙燕離
五重飛一作花樓入河漢
九華閣道暗清池
遙看白馬津

上吏傳道黃龍征戍兒
明月金花徒一作從照妾浮雲玉

葉君不知思君昔去柳依依
至今八月避暑歸明珠蠶
蠶登勉機鬱金春
蘄特香衣洛陽城頭鷄
欲曙丞相府中烏
未飛夜夢征人縫狐貉
私憐織婦裁錦絡
吳刀鄭

錦結句寒閨夜被薄芳年海上水中鳧日暮寒夜空城

雀

一作空城
寒夜雀

同前

王褒

初春麗景鶯欲嬌桃花流水沒河橋薔薇開花百里葉

楊柳覆池數

一作楊柳
拂地散

千條隴西將軍號都護樓蘭校

尉稱嫖姚自惜別如春燕分經年一去無相親

一作不
相聞

一作無復漢地關山

一作長安

唯有漠北薊城雲淮南鏡

一作

桂

中明月影流黃機上織成文充國軍行屢築營揚史

討虜陷平城下風不多能却陣沙中雪淺詎停兵屬國
小婦猶年少羽林輕騎數征行遙聞陌上採桑曲猶勝
邊地胡笳聲向暮使人泣還使一作長望閨中空佇立桃花
落地杏花舒一作桃花復地桃花舒桐生井底寒葉踈試為來者
上林鴈應一作必有遙寄隴頭書

同前

庾信

代北雲氣晝昏昏千里飛蓬無復根寒鴈嗷嗷一作丁丁又作
一度遼水桑葉紛紛落薊門晉陽山頭無箭竹踈勒城

中乏水源屬國征戍久離居陽關音信絕能踈願得魯
連飛一箭持寄思歸燕將書度遼本自有將軍寒風蕭
蕭生水紋妾驚甘泉足烽火君訝漁陽少一作多陣雲自

從將軍出細柳蕩子空林難獨守盤龍明鏡餉秦嘉辟
惡生香寄韓壽春分燕來能幾日二月蠶眠不復久洛

陽遊絲百丈連黃河春冰千片穿桃花顏色好如一作如好

馬榆莢新開巧似一作似細錢蒲桃一杯千日醉無事九轉

學神仙定取金丹作幾服能令華表得千年

同前

屈同

漁陽八月寒草腓
征人相對併思歸
雲和朔氣連天暗
蓬雜胡沙散野飛
此時天地陰埃徧
瀚海龍城皆血戰
兩軍鼓角暗相聞
四面旌旗看不見
昭君遠嫁已年多
戎狄無厭尚不和
漢兵候月秋防塞
胡騎乘冰夜渡河
河塞東西萬餘里
地與京華不相似
燕支山上少光輝
黃砂磧下無流水
金戈玉劔十年征
紅粉青樓多怨情
厭得殊方久為別
秋來愁見搗衣聲

同前

陶翰

請君留楚調聽我吟燕歌家在遼東頭邊風意氣多出
身為漢將正值戎未和雪中凌天山冰上渡交河大小
百餘戰封侯竟蹉跎歸來灞陵下故舊無相過雄劔委
塵匣空門垂雀羅玉簪還趙女寶瑟付齊娥昔日不為
樂時哉今奈何

同前

高適

開元十六年客有從御史大夫張公出塞而還者

作燕歌行以示適感征戍之事而和焉

漢家煙塵在東北漢將辭家破殘賊男兒本自重橫行
天子非常賜顏色縱金伐鼓下榆關旌旆逶迤碣石間
校尉羽書飛瀚海單于獵火照狼山山川蕭條極邊土
胡騎憑陵雜風雨戰士軍前半死生美人帳下猶歌舞
大漠窮秋塞草衰一作孤城落日鬪兵稀身當恩遇恒
輕敵力盡關山未解圍鐵衣遠戍辛勤久玉筋應啼別
離後少婦城南欲斷腸行一作人薊北空迴首邊風颭

艱難可越

一作那
可度

絕域蒼茫無所

一作
更何

有殺氣三時

一作

日作陣雲寒風

一作
聲

一夜傳刁斗相看白刃徒

一作
血紛

紛死節從來豈顧勳君不見沙場征戰苦至今猶憶李

將軍

同前

賈至

國之重鎮惟幽都東威九夷北制胡五軍精卒三十萬

百戰百勝擒單于前臨凜沱阻易

一作
後阻

水崇山沃野亘

千里昔時燕王重賢士黃金築臺從隗始倏忽興亡空

一作
王定 薊丘漢家又似封五
一作 侯蕭條魏晉為橫流鮮

卑竊據朝五州我唐區夏餘十紀軍容武備赫萬祀彤
弓黃鉞授元帥墾耕大漠為內地季秋膠折邊草腓理
兵羽獵因出師千營萬隊連旌旗望天_{一作}如火忽電

馳匈奴懾竄窮髮比大荒萬里無塵飛君不見_{一無此三字}

隋家昔為天下宰窮兵黷武征遼海南風不競多死聲
鼓臥旗折黃雲橫六軍將士皆死盡戰馬空鞍奔故營
時移道革天下平白環入貢滄海清自有農夫已高枕

無勞校尉重橫行

鴈門大守歌二首

梁簡文帝

輕霜終夜下黃葉晚辭枝
寒苦春難覺邊城秋易知
風急征旗斷塗長鎧馬疲
少解孫吳法家本幽并
兒非關買鴈肉徒勞皇甫規

二

隴暮風恒急關寒霜自濃
擁馬夜方飼邊衣秋未重
潛師夜接戰略地曉催鋒
悲笳動胡塞高旗出漢壩
勤勞

謝勲業清白報迎逢非頌主人賞寧期定遠封單于如
未繫終夜慕前蹤

同前

褚朔

二月柳花合四月麥秋初幽州寒食罷鄭國採桑踈更
聞鴈門守一作戍結束事戎車去歲無霜雪今年有閨餘

月如弦上弩蝗類水中魚戎車攻日逐燕騎蕩康居大
宛歸善馬小月送降書寄語閨中妾勿怨寒牀虛

同前

李賀

黑雲壓城城欲摧
甲光向日金鱗開
角聲滿天秋色裏
塞上燕支凝夜紫
半卷紅旗臨易水
霜重鼓寒聲不起
報君黃金臺上意
提攜玉環一作擊為君死

將軍行

劉希夷

將軍關轅門耿介當風立
諸將欲言事逡巡不敢入
劔氣射雲天
鼓聲破原隰
黃塵塞路起
走馬追兵急
彎弓從此去
飛箭如雨集
突圍一百重一作里
斬首五千級
代馬流血死
胡人抱鞍泣
古來養甲兵
有事常討襲
乘我

廟堂運坐使干戈戢獻凱帝來勞

一作歸京都
一作歸帝京

軍容何

翕習

戰城南四首

吳均

蹀躞青驪馬往戰城南畿五歷魚麗陳三入九重圍名
憫武安將血濺秦王衣為君意氣重無功終不歸

二

前有濁酒罇憂思亂紛紛少年重意氣學劍不學文忽
值胡闕靜匈奴遂兩分天山已半出龍城無片雲漢世

平如此何用李將軍

三

陌上何喧喧匈奴圍塞垣黑雲藏趙樹黃塵埋隴根天子羽書勞將軍在玉門

四此第四首而五卷有之題作古意今存于後而削此

同前

張正見

薊北馳胡騎城南接短兵雲起一作屯兩陣合劍聚七星

橫明一作旗交無後影角憤有餘聲戰罷披軍策還嗟李

少卿

同前

楊炯

塞北途遼遠城南戰苦辛
幡旗如鳥翼甲冑似魚鱗
凍水寒傷馬悲風愁殺人
寸心明白日千里暗黃塵

同前

盧照隣

將軍出紫塞冒頓在烏貪
笳喧鴈門北陣翼龍城南
瑀弓夜宛轉鐵騎曉駢驂
應須駐白日為戰待方酣

同前

李白

去年戰桑乾原一作源今年戰葱河道洗兵條支海上波

放馬天山雪中草萬里長征戰三軍盡衰老匈奴以殺

戮為耕作古來唯見白骨黃沙田秦家築城備胡虜漢

家還一作猶有烽火燃烽火燃不息長征一作征戰無已時野

戰格鬪死敗一作駑馬嘶一作號鳴向天悲鳥鳶啄人腸銜

飛上挂枯樹枝士卒塗草莽將軍空爾為乃知兵者是

凶器聖君一作人不得已而用之

同前

戰地何昏昏戰士如羣蟻氣重日輪紅血染蓬蒿紫烏
鳥銜人肉食悶飛不起昨日城上人今日城下鬼旗色
如羅星聲聲殊未已妾家夫與兒俱在聲聲裏

同前

劉駕

城南征戰多城北無饑鷓白骨馬蹄下誰言皆有家城
前水聲苦倏忽流萬古莫爭城外地城裏終一作開土有

塞上曲

吳筠

劍頭利如芒恒持一作時照眼光鐵騎追驍虜金羈討黯

羌高秋八月邊地早風霜男兒不惜死破膽與君嘗

同前

前人

十月繁霜下征人遠鑿空雲遙

一作搖

錦更節海照角端

弓暗磧埋沙樹衝飈卷塞蓬方隨膜拜入歌舞玉門中

同前

李白

十萬羽林兒臨洮破郅支殺添邊地骨降足漢營旗塞
濶牛羊散兵休帳幕移空餘隴頭水鳴咽向人悲

文苑英華卷一百九十六

欽定四庫全書

文苑英華卷一百九十七 宋 李昉等 編

樂府六

塞上十七首 塞下十八首

出塞二十八首 塞外一首

入塞二首

塞上曲二首 失名

紅顏歲歲老金微沙磧年年臥鐵衣白草城中春不入

黃花戍上鴈長飛

二

孤城夕對戍樓閒
迴合青冥萬仞山
明鏡不須生白髮
風沙自解老紅顏

同前二首

一作塞
下曲

李白

五月天山雪無花
祇有寒笛中聞折
柳春色未曾看
曉戰隨金鼓宵眠
抱玉鞍願將腰下
劍直為斬樓蘭

二

烽火動沙漠連照甘泉雲漢皇按劍起還召李將軍兵
一作殺氣天上合威聲隴底聞橫行負勇氣一戰靜妖氛

同前二首

王昌齡

秦時明月漢時關萬里長征人未還但使龍城飛將在
不教胡馬度陰山

二

騮馬新誇白玉鞍戰罷沙場月色寒城頭鉞鼓聲猶振
匣裏金刀血未乾

同前

薛竒童

驕虜初南下烟塵暗國中獨召李將軍夜開甘泉宮一
身許明主萬里總元戎霜中臥不煖半夜聞邊風明天
早飛雪荒徼多轉蓬濕雲覆水重秋氣連海空金鞍誰
家子上馬鳴角弓自是幽并客非論愛立功

同前

高適

東出盧龍塞集作間浩然客思孤亭候列萬里漢兵猶備

胡邊塵漲

一作滿

北溟虜騎

一作塞馬

正南驅轉戰豈長策和

親非遠圖惟昔李將軍按節出皇

一作都

搃戎掃大漠

一戰擒單于常懷感激心願效縱橫謨倚劍欲誰語關

山

集作河

空鬱紆

同前

耿滄

慣習干戈事鞍馬初從少小在邊城身微久屬千夫長
地遠仍親五郡兄懶說疆場曾大獲且悲年鬢老長征
塞鴻過盡殘陽裏樓上淒淒暮角聲

同前

司空曙

寒柳接胡桑軍門下大荒幕營隨日魄兵氣長星芒橫
吹催春酒重裘隔夜霜冰開不防虜青草滿遼陽

同前

戎 昱

慘慘寒日沒北風卷蓬根將軍領疲兵却入古塞門迴
首指陰山殺氣成黃雲

二

樓上畫角哀即知兵心苦試問左右人無言淚如雨何
意休明時終年事鼙鼓

集本有戎昱塞上曲二首題目同而詩異今附于
此其一漢將歸來虜塞空旌旗初入玉關東高蹄
戰馬三千足落日平原秋草中其一胡風掠地遠
連山葉落孤城未下關山頭烽子齊聲叫知是將
軍夜獵還

同前

杜荀鶴

旌旗獵獵漢將軍
閒出巡邊帝命新
沙塞旋收饒帳幕
犬戎時殺少煙塵
冰河夜度一作偷來馬雪嶺
晴分獵

去人獨作書生疑不穩軟弓輕劍也隨身

同前

張翥

邊事多更變天心亦為憂胡兵來作寇漢將也封侯夜
燒衝星赤塞塵翳日愁無門展微略空上望西樓

同前

王貞白

歲歲但防虜西征早晚休匈奴不繫頸漢將但封侯夕
照低烽火寒笳咽戍樓燕然山上字男兒見須羞

同前

裴說

極目望空濶馬羸程又賒月生方見樹風定始無沙楚
水辭魚窟燕山到鴈家如斯名利役爭不老天涯

同前

常建

翩翩雲中使來問大平卒百戰苦不歸刀頭望明月寒
雲隨陣落寒日傍城沒城下有寡妻哀聲哭枯骨

塞下曲

李白

塞虜乘秋下天兵出漢家將軍分虎竹戰士泣

一作龍

沙邊月隨弓影胡霜拂劔花玉關殊未入少婦莫長嗟

同前三首

王昌齡

邊城

一作頭

何慘慘已葬霍將軍士卒皆來弔燕南代北

聞功門

一作勳

多被黜兵馬亦尋分更遣黃龍戍唯當哭

塞雲

二

蟬鳴空桑麻八月蕭關道出塞入塞雲處處黃蘆草從
來幽并客皆共塵沙老莫作遊俠人矜誇紫騮好

三

奉詔甘泉宮，揔徵天下兵。朝廷備禮出，郡國豫郊迎。紛
紛幾萬人，去者無全生。臣願節宮殿，分以賜邊城。

同前

陶

翰文粹作
王季友

進軍飛狐北，窮寇兵勢變。日落沙塵昏，背河更一戰。駿

一作駢馬黃金勒，瑠弓白羽箭。射殺左賢王，歸奏未央殿。

欲言塞下事，天子不召見。東出咸陽門，哀淚如霰一作綠。

哀哀淚
如霰

同前

高適

結束浮雲駿翩翩出從戎且憑天子怒復倚將軍雄萬
鼓雷殷地千旗火生風日輪駐霜戈月魄勒琯弓青海
陣雲匝黑山兵氣中萬里不惜死一陣得成功畫圖麟
麟閣入朝明光宮大笑向文士一經何足窮古人昧此
道往往成老翁

二

君不見芳樹枝春花落盡蜂不窺君不見梁上泥秋風
始高燕不棲蕩子從軍事征戰蛾眉嬋娟守空閨獨宿

自然堪下淚，況復時聞烏夜啼。

同前

郎士元

寶刀塞上兒，身經百戰曾百勝。壯心竟來嫖姚知，白草
山頭日初沒。黃沙戍下悲歌發。一作城下蕭條夜靜邊
風吹，獨倚營門望秋月。

同前

李益

蕃門一作州部落能結束，朝馳暮獵南河曲。一作朝暮馳

獵黃河曲

燕聲一斷塞鴻飛，牧馬羣嘶邊草綠。秦築長城城已摧。

漢武北上單于臺古來征戰虜不盡今日還復天兵來
黃河東流流九折沙場埋恨何時絕蔡琰沒去造胡笳
蘇武歸來持漢節為報如今都護雄匈奴且莫下雲中
請書塞北陰山石願比燕然車騎功

同前

張籍

秋塞雪初下將軍遠出師分營長記火放馬不收旗月
冷邊帳濕沙昏夜探遲征人皆白首誰見滅胡時

同前

李賀

胡角引北風，薊門白於水。天含青海道，城頭見一作千月。

里露下旗濛濛，寒金鳴夜刻。蕃甲鏖蛇鱗，馬嘶青塚。

白秋靜見旄頭沙，遠席羈愁帳。北天應盡黃河，一作河聲出。

塞流

同前

姚合

磧露黃雲下，凝寒鼓不鳴。戰須移死地，軍諱殺降兵。叩馬秋遮虜，蒸沙夜築城。舊鄉歸不得，都尉負功名。

同前

馬戴

旌旗倒北風霜霰逐南鴻
夜救龍城急朝焚虜帳空骨
銷金鏃在鬢改玉關中
却想羲軒代無人尚戰功

二

廣漠雲凝慘日斜飛霰生
燒山搜猛獸伏道擊迴兵
風折旗竿曲沙埋樹杪平
雲飛日一夕

集作黃雲
飛旦夕

偏奏苦

寒聲

同前

張喬

勒兵遼水邊風急捲旌先
絕塞陰無草平沙去盡天下

營者斗建傳號信狼煙聖代垂青史當書破虜年

同前

張祐

萬里配長征連年慣野營入羣來揀馬拋伴去擒生箭
插雕翎闊弓盤鵲角輕問者行近遠西去受降城

同前

陳陶

邊頭能走馬猿臂李將軍射虎羣胡伏開弓絕塞聞海
山諳向背攻守別風雲只為坑降罪輕車未轉動

二

望胡關下戰雜虜喪全師
鳥啄豺狼將沙埋日月旗
牛羊奔赤狄部落散燕耆
都護凌晨出銘功瘞死屍

出塞

劉孝標

薊門秋氣清飛將出長城
絕漠衝風急交河夜月明
陷敵攬金鼓摧鋒揚旆旌
去去無終極日暮動邊聲

同前

王褒

飛蓬似征客千里自長驅
塞禽唯有鴈關樹但生榆
背山看故壘繫馬識餘蒲

始皇繫蒲繫馬
在淄州名蒲臺

還因麾下騎來

送月支圖

同前

竇威

匈奴屢不平漢將欲縱橫看雲方結陣却月始連營
潛軍渡馬邑揚旆掩龍城會勒燕然石方傳車騎名

同前二首

楊素

漠南胡未空漢將復臨戎飛狐出塞北碣石指遼東
冠軍臨瀚海長平翼大風橫虎落陣氣抱龍繞城虹橫行
萬里外轉戰百夫雄兵寢星芒落戰解月輪空嚴譙息

夜斗駢角罷鳴弓北風嘶朔馬胡霜切塞鴻休明大道
暨幽荒日用同方就長安邸來謁建章宮

二

漢虜未和親憂國不憂身握手河梁上窮涯北海濱據
鞍獨懷古忼慨感良臣歷覽多舊迹風日慘愁人荒塞
窮千里孤城絕四隣樹寒偏易古草衰恒不春交河明
月夜陰山苦霧辰鴈飛南入漢水流西咽秦風霜久行
役河朔備艱辛薄暮邊聲起空飛胡騎塵

同前二首

薛道衡

高秋白露團，上将出長安。
塵沙塞下暗，風月隴頭寒。
轉蓬隨馬足，飛霜落劍端。
凝雲迷代郡，流水凍桑乾。
烽微桔槔遠，橋峻轆轤難。
從軍多惡少，召募盡材官。
伏波一作堤時臥，鼓疑兵乍解。
鞍龍一作柳城擒冒頓，長坂納呼韓。
受降今更築，燕然已重刊。
還嗤傅介子，辛苦刺樓蘭。

二

邊庭烽火警，插羽夜徵兵。
少昊騰金氣，文昌動將星。
長

驅鞮汗北直指夫人城絕漠三秋暮窮陰萬里生寒夜

哀笳曲霜天斷鴈聲旌旗連下鹿

一作連旗下鹿塞

疊鼓向龍

庭妖雲墜虜陣暈月遶胡營左賢能頓頽單于已繫纓
緋馬登玄闕鈎鯤臨北溟當知霍驃騎高第起西京

同前二首 和揚素

虞世基

窮秋塞草腓塞外胡塵飛徵兵廣武至候騎陰山歸廟
堂千里策將軍百戰威轅門臨玉帳大旆指金微推朽
無勅敵應變有先機銜枚壓曉陣卷甲解朝圍瀚海波

瀾靜王庭氛霧晞鼓鞞嚴朔氣原野曠寒暉動庸震邊
塞歌吹入京畿待拜長安坂鳴騶入禮闈

二

上將三畧遠元戎九命尊緬懷古人節思酬明主恩山
西多虜氣塞北有遊魂揚枹度隴坡勒騎上平原誓將
絕沙漠悠然去玉門輕齎不遑舍驚策驚戎軒凜凜邊
風急蕭蕭征馬煩雪暗天山道冰塞交河源霧烽黯無
色霜旗凍不翻耿介倚長劔日落風塵昏

同前

楊炯

塞外欲紛紛雌雄猶未分明堂占氣色華蓋辨星文二
月河魁將三千太一軍丈夫皆有志會是立功勳

同前

張柬之

俠客重恩光駘馬飾金裝暫聞傳羽檄馳突救邊荒歛
野山川動囂天旌旆揚吳鉤明似月楚劍利如霜電斷
衝胡塞風飛出洛陽轉戰磨笄俗橫行載一作戴斗鄉手
擒卸支長面縛谷蠡王將軍占太白少婦怨流黃驪衰

青絲騎娉婷紅粉粧三春鶯度曲八月鴈成行誰堪坐
愁思羅袂拂空床

同前

喬備

沙場三萬里猛將五千兵旌斷水溪戍笳吹鐵關城陰
雲暮下雪寒日晝無晶直為懷思苦誰知邊塞情

同前

王之真

黃河遠上白雲間一片孤城萬仞山羌笛何須怨楊柳
春光不度玉門關

同前

王維

居延門外獵天驕白草連山野火燒暮雲空磧時駐

一作

驅馬秋日平原好射鵬護羗校尉朝乘障破虜將軍夜

渡遼玉靶角弓珠勒馬漢家將賜霍嫖姚

同前五首

杜甫

戚戚去故里悠悠赴交河公行有程期亡命嬰禍羅君
已富土境開邊一何多棄絕父母恩吞聲行負戈

二

出門日已遠不受徒旅欺骨肉恩豈斷男兒死無時走
馬脫轡頭手中挑青絲捷下萬仞岡俯身試搴旗

三

迢迢萬餘里領我赴三軍軍中異苦樂主將寧盡聞隔
河見胡騎倏忽數百羣我始為奴僕幾時樹功勳

四

挽弓當挽強用箭當用長射人先射馬擒寇先擒王殺
人亦有限列國自有疆苟能制侵凌豈在多殺傷

五

從軍十年餘能無分寸功衆人貴苟得欲語羞雷同中
原有爭鬪况在狄與戎丈夫四方志安可辭固窮

同前三首

一作後
出塞

男兒生世間及壯當封侯戰伐有功業焉能守舊丘名
募赴薊門軍動不可留千金買馬鞭一作鞍 百金裝刀頭

閭里送我行親戚擁道周班白居易上列酒酣進庶羞少
年別有贈含笑看吳鉤

二

古人重守邊今人重高勲
豈知英雄主出師直一作長

雲六合已有家四夷且孤軍
遂使貔虎武一作士奮身勇

所聞拔劔擊大荒日暮收胡羣
誓開玄冥北持以奉

吾君

三

獻凱日繼踵兩蕃靜無虞
漁陽豪俠地擊鼓吹笙竽
雲帆轉遼海粳稻來東吳
越羅與楚練照耀臺驅主將

位益崇氣驕凌上都邊人不敢議議者死路衢

同前

于鵠

行人朝走馬直走薊城旁
薊城通漠北萬里別吳鄉
海上烽火沙中百戰場
軍書發上郡春色度河陽
裊裊漢宮柳青青胡地桑
琵琶出塞曲橫笛斷君腸

同前三首

微雲將出軍

一作微雪
將軍出

吹笳天未明觀兵登古戍
斬將

對雙旌分陣瞻山勢
潛軍制馬鳴
如今新史上已有滅

胡名

二

葱嶺秋塵起全

一作收

軍取月支山川引行陣蕃漢列旌

旗轉戰疲兵少孤城外救遲邊人聖明代不見偃戈時

三

單于驕愛獵放火到軍城乘

一作待

月調新馬

一作弩

防秋

置遠營空山朱戟影寒磧鐵衣聲逢著降胡說沙陰有

伏兵

同前

劉

灣

文釋作
劉濟

將軍在重圍音信絕不通羽書如星流飛入甘泉宮倚
是并州兒少年心膽雄一朝隨召募百戰爭王公去年
桑乾北今年桑乾東死是征人死功是將軍功汗馬牧
秋月疲人臥霜風仍聞左賢王更欲圍一作雲中

同前

劉 駕

胡風不開花四氣多作雪北人尚凍死况我本南越古
來邊塞地巡狩無遺轍九土耕不盡武皇猶戰一作伐

中天有高閣圖畫何時歇坐恐塞上山低於沙上一作中

骨

塞上

鄭愔

荒壘三軍夕窮郊萬里平海陰凝獨樹月氣下連營戎
旆霜凝重邊裘寒更輕將軍猶轉戰都尉不成名折柳
悲春曲吹葭斷夜聲明年漢使返猶築受降城

入塞

王褒

戍久風塵色勳多意氣豪建章樓闕迥一作近長安陵

樹高度冰傷馬骨經寒墜節毛行當見天子何假用錢
刀

同前

王貞白

玉殿論兵事君王詔出征新除羽林將曾破月支兵慣
歷塞垣險能分部落情從今一戰勝不使虜塵生

文苑英華卷一百九十七

欽定四庫全書

集部

文苑英華卷一百九十八至二百

詳校官太僕寺少卿臣李廷欽

助教臣常循覆勘

總校官進士臣朱鈐

校對官中書臣高 中

謄錄監生臣官懋珩

欽定四庫全書

文苑英華卷一百九十八

宋 李昉等 編

樂府七

度關山七首

關山曲二首

關山月十七首

隴頭水十四首

隴頭吟三首

隴西行八首

出自薊北門行六首

擬塞外征行一首

苦戰行一首

度關山

梁簡文帝

關山遠可度，遠度復難思。
直指遮歸道，都護總前期。
力農爭地利，轉戰逐天時。
材官蹶張皆命中，宏農越騎盡
搴旗。搴旗遠不息，驅虜何窮極。
狼居一封難，再覩閼氏
永去無容色。銳氣且橫行，朱旗亂日精。
先屠光祿塞，却破夫人城。
凱歌歸舊還，今日是功名。

一作凱歌還舊里非是銜功名

同前

劉尊

隴頭樹一作樹寒色落寒雲，朝欲開谷深。
聲易響路狹，慙難

迴當知結綬去非是棄繻來行人思顧返道別且徘徊
願度關山鶴勞歌立可哀

同前

王訓

邊庭多警急羽檄未曾閒從軍出隴坂驕一作驅馬度關

山關山恒掩靄

一作掩害

高峯白雲外遙望秦川中一作水千

里長如帶好勇自秦中意氣本一作多英雄少年便習戰

十四已從戎昔年從

一作經

上郡今歲出雲中遼水深難

渡榆關斷未通折衝陵絕域流蓬驚未息胡風朝夜起

平沙不相識兵法貴先聲軍中自有程逗留皆一作難贖

罪先登盡一城都護疲詔吏將軍擅發兵平虜疑縱火

飛鷗畏犯營輜重一為鹵金刀何用盟誰人知出外一作

誰知出塞外獨有漢飛名

同前

關山度曉月劔客還一作遠從征雲中出迴陣天外落奇

兵輪摧偃去節樹倒礙懸旌沙場折一作揚坂暗雲磧榆

溪明馬倦時銜草人疲屢看城寒一作塞隴胡笳溢空一作

寒林漢鼓鳴還嗟幽一作聽咽水併切斷腸聲

同前

戴嵩

昔聽隴頭吟平居已流涕今上關山望長安樹如薺千

里非鄉邑四海一作百皆兄弟軍中大體共一作自相褒

其間得意各為曹博陵輕俠皆無為幽州重氣本多豪

馬肥一作銜苜蓿葉劒瑩礪鵝鵝膏初征心未息復值鴈飛

入山頭看月高一作近草上知風急笛揭一作碣曲難成笳

繁響還溢武帝信一作初承平東伐復南一作西征薊門海

作塹揄塞水為城催令四校出倚望三邊平箭箠朝來

動刀環臨陣鳴將軍一百戰都尉一作護五千兵且決雌

雄眼前利誰道功名身後事丈夫意氣本自然來時辭

第已聞天但令此心此命在不教一作持烽火照甘泉

同前

李端

鴈塞日初晴飛狐一作胡關雪復一作雪覆平危關一作樓

緣廣漢古竇傍長城插一作拔劔金星出翻弓玉羽輕

一作鸞弧玉羽鳴誰云一作知係敵者賈誼是書生

同前

王貞白

只領千餘騎長驅磧邑間雲州多警急雪夜度關山石
響鈴聲遠天寒弓力慳秦樓休悵望不日凱歌還

關山曲二首

馬戴

金鎖耀兜鍪黃雲拂紫騮叛羗旗下戮陷壁夜中收霜
霰戎衣月關河磧氣秋箭瘡殊未合更遣在一作擊蘭州

二

火發龍山北中宵易左賢勒兵臨漢水驚鴈散胡天水

落防河急軍孤受敵偏猶聞漢皇怒按劍待開邊

關山月

梁元帝

朝望青

一作清

波道夜上白登臺月中有

一作含

桂樹流景

一作影

自徘徊寒沙逐風起春花向

一作犯

雪開夜長無與

晤衣單誰為裁

同前

梁陸瓊

邊城與明月俱在關山頭焚烽望別壘擊斗宿危樓團
團婕妤扇纖纖秦女鈎鄉園誰共此愁人屢益愁

同前

張正見

巖開度月華流彩映山斜
暈逐連城壁輪隨出塞車
唐
冀遙合影秦桂遠分花
欲驗盈虛駛一作方知道路賒

同前二首

徐陵

關山三五月客子憶秦川
思婦高樓上當牕應未眠
星
旗映踈勒雲陣上祁連
戰氣今如此從軍復幾年

二

月出柳城東微雲掩復通
蒼茫紫白暈蕭瑟帶長風
羗

兵燒上郡胡騎獵雲中將軍擁節起戰士夜鳴弓

同前

賀力牧

重關斂暮煙明月下秋前照石疑分鏡臨弓似共一作引

弦雲一作霧暗迷旗影霜濃濕劍蓮此處離鄉客遙心萬

里懸

同前

阮卓

關山陵漢開霜月正一作自徘徊映林如璧碎侵塞似輪

摧楚師隨晦進胡兵逐煖來寒殆將夜鵲相亂晚聲哀

同前

王褒

關山夜月明

一作今夜月

愁

一作秋

色照孤

一作關

城半形

一作影虧

同漢陣全影

一作輪滿

逐胡兵灰

一作天

寒光轉白風多暈欲

生寄言亭上吏遊客解鷄鳴

此詩一百五十卷重出今削去

同前

盧照隣

塞垣通碣石虜陣

一作障

抵祁連相思在萬里明月不長

一作孤懸影移金岫北光斷玉門前寄言閨

一作書謝

中婦愁

時一作看鴻鴈天

同前

崔融

月出一作生西海上氣逐邊風壯萬里照一作度關山蒼茫

非一狀漢兵開郡國胡馬窺亭障夜夜聞悲笳征人起
南望

同前

李白

明月出天山蒼茫雲海間長風幾萬里吹度玉門關漢
下白登道胡窺青海灣由來征戰地不見有人還戍客

望邊色

一作邑

思歸多苦顏高樓當此夜歡息未應閒

同前

釋皎然

家家望秋月不及秋山望山心萬境長寂寞夜夜孤明
我山上海人皆在疑生海東山人自謂出山中憂歡虞
樂皆占月月本無心同不同自從有月山不改古人望
盡今人在不知萬世今夜時孤月將誰更相待

同前

司空曙

見集本

蒼茫明月上夜久光如積野幕冷胡霜關樓宿邊客隴

頭秋露暗磧外寒沙白唯有故鄉人
露裳此聞笛

同前

李端

露濕月蒼蒼關頭榆葉黃迴輪照海遠分彩上樓長
水凍頻移幕兵疲數望鄉只應城影外萬里共胡霜

同前

鮑君微

高高秋月明北照遼陽城塞迴光初滿風多暈更生
征人望鄉思戰馬聞聲驚朔風悲邊草胡沙昏敵營
霜凝匣中劔風憊原上旌早晚謁金闕不聞刁斗聲

同前

陳陶

昔年嫖姚護羗月，今照嫖姚雙鬢雪。青塚曾無尺寸歸

錦書多

一作曾

寄窮荒骨，百戰金瘡體。沙磧鄉心一片懸

秋碧漢城應期

一作漢帝應啼

破鏡時，胡塵萬里嬋娟隔。度磧

衝雲朔，風起邊笳欲晚生。青珥隴上橫，吹霜色

一作色如

刀何年斷得匈奴臂

此詩一百五十二卷重出，今已削去，注異同為一

作

隴頭水

梁元帝

銜悲別隴頭，關路漫悠悠。
故鄉迷遠近，征人分去留。
沙飛晚成幕，海氣夜一作旦如樓。
欲識秦川處，隴水向東流。

同前

劉孝威

從軍戍隴頭，隴水帶沙流。
時觀胡騎飲，常為漢國羞。
釁妻成兩劔，教子犯雙鈎。
將頓樓蘭膝，一作頓取就解卸。
支裘勿令如李牧，功名遂不酬。
一作勿令如李廣功遂不封侯

同前

顧野王

隴頭望秦川
迢遞隔風煙
蕭條落野樹
幽咽響流泉
瀚海波將息
交河水未堅
寧知蓋山水
逐節赴危絃

同前

謝燮

隴坂望咸陽
征人慘思腸
咽流喧斷岸
遊沫聚飛梁
鳧分斂冰彩
虹飲照旗光
試聽鏡歌曲
唯吟君馬黃

同前二首

張正見

隴頭鳴四注
征人逐貳師
羌笛合一作合流咽
胡笳雜水

悲湍高飛轉
駛澗淺蕩還
遲前旗去不見
上路杳無期

二

隴頭流水急流急行難度遠入隗囂營傍侵酒泉路心
交賜寶刀小婦成紈袴欲知別家久戎衣今已故

同前

徐陵

別途聳千仞離川懸百丈攢荆夏一作下不通積雪冬一作
難上枝交隴底暗石礙波前響迴首咸陽中唯言往
時夢

同前二首

江總

隴頭萬里外天崖四面絕人將蓬共轉水與啼俱咽驚
湍自湧沸古樹多摧折傳聞博望侯辛苦持一作漢節題

二

霧暗川中日風驚隴上秋徒傷幽咽響不見東西流無
期從此別更度幾年幽遙聞玉關道望人杳悠悠

同前

車數

隴頭征人別隴水流聲咽只為識君恩甘心從苦節雪
凍弓弦斷風鼓旗竿折獨有孤雄劍龍泉字不滅

同前

盧照隣

隴坂高無極，征人望故一。一作望鄉關河別去水，沙塞斷歸

腸。馬繫千年樹，旗懸九月霜。從來苦一作共，嗚咽皆是為

勤王

同前

楊師道

隴頭秋月明，隴水帶關城。笳添離別曲，風送斷腸聲。映
雪峯猶暗，乘冰馬屢驚。霧中寒鴈至，沙上轉蓬輕。天山
傳羽檄，漢地急徵兵。陣開都護道，劔聚伏波營。於茲覺

無度方共濯胡纓

同前

沈佺期

隴山風落葉隴鴈淚寒天君見三秋水分為兩地泉西
流入羗郡東下向秦川征客方回首肝腸空自憐

同前

員半千

路出金河道山連玉塞門旌旗雲裏度楊柳曲中喧蹀
血多壯膽衰草

疑作裏草

無怯魂嚴霜斂曙色大明辭朝暾

塵銷營卒壘沙靜都尉垣霧卷白山出風吹黃葉翻將

軍獻凱入萬里絕河源

隴頭吟

王維

長城少年遊俠客
夜上戍樓看太白
隴頭明月迴臨關
隴上行人夜吹笛
關西老將不勝愁
駐馬聽之雙淚流
身經大小百餘戰
麾下偏裨萬戶侯
蘇武纔為典屬國
節旄空盡一作零落海西一作南頭

同前二首

釋皎然

隴西心欲絕
隴水不堪聞
碎影搖槍壘
寒聲咽幔軍
素

從鹽海積綠帶柳城分日落天邊望逶迤入塞雲

二

秦隴逼氐羗征人去未央如何幽咽水併欲斷君腸西
注悲窮漠東分憶故鄉旅魂聲攪亂無夢到咸一作遼陽

隴西行三首

梁簡文帝

隴西四戰地羽檄歲時聞護羗擁漢節校尉立功勲石
門留鐵騎水城息一作悉夜軍洗兵逢驟雨送陣出黃雲

沙長無止泊水脉屢縈分當思勒漢鼎一作勒鼎鼎無

用想羅裙

二

悠悠懸旆旌如何隴西行減竈驅前馬銜枚進後軍

一作

兵沙飛朝似暮

一作幕

雲起夜疑明

一作城

迴山時阻路絕

水亟

一作極

稽程往年卸支服今歲單于平方歡凱樂盛

飛蓋蒲西京

三

仲

一作邊

秋胡馬肥雲

一作雪

中驚冠入勇氣特

一作時

無侶

輕兵救邊急沙平不見虜嶂轉一作險還相及出塞豈成

歌經川未遑汲烏孫塗更阻康居路猶溢月暈抱龍城

星眉照馬邑長安路遠書不還寧知征人獨一作空佇立

同前

庾肩吾

借問隴西行何當驅馬征草合迷前路雲濃暗後城寄

語幽閨妾羅袖勿空縈

同前四首

陳陶

漢主東封報太平無人金闕議邊兵縱饒奪得林胡塞

磧地桑麻種不生

二

誓掃匈奴不顧身
五千貂錦喪胡塵
可憐無定河邊骨
猶是春閨夢裏人

三

隴樹三看塞草青
樓煩新替護羌兵
同來死者傷離別
一夜孤魂哭舊營

四

點虜生擒未有涯
黑山營陣識龍蛇
自從貴主和親後
一半胡風似漢家

出自薊北門行

徐陵

薊北聊長望
黃昏心獨愁
燕然

一作山

對古剎代郡隱

一作

倚城樓屢戰橋恒斷
長冰塹不流
天雲如地陣
漢月帶

胡秋乞

一作請
一作漬

土泥函谷接繩縛
涼州平生燕頷相會

自去

一作得

封侯

同前

庾信

虜陣橫北荒胡星耀精芒羽書速驚電烽火盡連光虎

竹投

一作救

邊急戎車森已行明主不安席按劍心飛揚

推轂出猛將連旗登戰場兵威衝絕漠殺氣凌穹蒼列

卒

一作陣

赤山下開營紫塞傍孟冬風沙緊旌旃

一作旃

颯凋傷盡角悲海月征衣卷天霜揮刃斬樓蘭彎弓射

賢王單于未

一作一

平蕩種落已奔亡收功報天子歌舞

歸咸陽

同前

李希仲

旄頭有精芒胡騎獵秋草羽檄南渡河邊庭用兵早漢

家愛征戰宿將今已老辛苦羽林兒從戎揄關道一身

救邊庭

一作速

烽火連薊門前軍爲道斷

一作飛斷

格鬪塵沙

昏寒日鼓聲急單于夜將奔當須狗忠義身死報國恩

同前

曹鄴

長河凍如石征人夜中戍但恐筋力盡敢憚將軍遇古
來死未歇白骨碍官路豈無一有功可以高其墓親戚
牽衣泣悲號自相顧死者雖無言那堪生者悟不如無

手足得見齒髮暮乃知七尺軀却是速死具

同前

王貞白

薊北連極塞塞色晝冥冥戰地骸骨滿長時風雨腥沙

河留一作流不定春草凍難青萬戶封侯者何謀靜虜庭

擬塞外征行

前人

寇騎滿雞田都護欲臨邊青泥方絕漠懷劔始辭燕旌
旗挂龍虎壯士募鷹鷂長城威十萬高嶺奮三千行行
向馬邑去去指祁連鼓聲遙赤塞兵氣遠衝天對陣雲

初上臨城月始懸風驚烽易滅沙暗馬難前恩重恒思
報勞心疑作心勞屢損年微功一可立身輕不自憐

苦戰行

杜甫

苦戰身死馬將軍自云伏波之子孫干戈未定失壯士
使我歎恨傷精魂去年南行一作江南討狂賊臨江把臂難
再得別時孤雲今不飛時獨看雲淚橫臆

文苑英華卷一百九十八